

Sartzeko baldintzak eta onartzeko irizpideak

Sartzeko baldintzak eta onartzeko irizpideak

Deustuko Unibertsitateko (DU) Euskal Hizkuntza eta Kulturako Gradu ikasketak edozein pertsona kualifikatuk egin ditzake, adin, sexu, arraza, erlijio, desgaitasun, sexu-orientazio, jatorri edo beste edozein arrazoigatik diskriminatu gabe.

Gradu horretara sartzeko, kontuan hartuko da gaur egun indarrean dagoen legeria, hau da, 412/2014 Errege Dekretua, ekainaren 6koa, Gradu unibertsitateko ikasketa ofizialetan onartzeko prozeduren oinarritzko araudia ezartzen duena, eta Unibertsitateen Idazkaritza Nagusiak 2014ko apirilaren 3an gradu ikasketa ofizialetan onartzeko prozedurei buruz emandako oharra, Hezkuntzako maiatzaren 3ko 2/2006 Lege Organikoan (LOE) eta Hezkuntzaren kalitatea hobetzeko abenduaren 9ko 8/2013 Lege Organikoan (LOMCE) ezarritako erregulazio berriarekin bat datorrena. Gure Unibertsitatean aplikatu beharreko araudia unean-unean indarrean dagoen legeriara egokituko da.

Indarrean dagoen araudiaren arabera, honako kasu hauetakoren batean daudenak sartu ahal izango dira ikasketa horietan (412/2014 Errege Dekretua, ekainaren 6koa, 3. art.):

1. Espainiako Hezkuntza Sistemako batxiler titulua edo baliokidea dutenak.
2. Europako Batxilergoko titulua edo Nazioarteko Batxilergoko diploma dutenak.
3. Batxiler edo batxilergoko tituluak, diplomak edo ikasketak dituztenak, Europar Batasuneko estatu kideetako hezkuntza sistemetatik edo gai horretan aplikagarriak diren nazioarteko akordioak elkarrekikotasun erregimenean sinatu dituzten beste estatu batzuetako hezkuntza sistemetatik datozen estatuetakoko ikasleak.
4. Espainiako Hezkuntza Sistemako batxiler tituluarekin homologatutako tituluak, diplomak edo ikasketak dituztenak, Europar Batasuneko kide ez diren estatuetakoko hezkuntza sistemetan lortuak edo eginak, eta Batxiler titulua elkarrekikotasun-erregimenean aitortzeko nazioarteko akordiorik sinatu ez duten estatuetakoko ikasleak. Kasu horretan, Unibertsitateak baldintzapean onartu ahal izango ditu homologazio eskaera aurkeztu izana egiaztatzen duten ikasleak, homologazio horretarako prozedura ebatzen den bitartean (412/2014 Errege Dekretua, ekainaren 6koa, 4. art.).
5. Lanbide Heziketako goi mailako teknikari, Arte Plastiko eta Diseinuko goi mailako teknikari edo Espainiako hezkuntza sistemako goi mailako kirol teknikari titulu ofizialak edo titulu horien baliokidetzat edo homologatutzat jotako titulu, diploma edo ikasketak dituzten ikasleak. Kasu horretan, Unibertsitateak baldintzapean onartu ahal izango ditu homologazio eskaera aurkeztu izana egiaztatzen duten ikasleak, homologazio horretarako prozedura ebatzen den bitartean (412/2014 Errege Dekretua, ekainaren 6koa, 4. art.).

6. Batxilergo, lanbide heziketako goi mailako teknikari, arte plastikoetako eta diseinuko goi mailako teknikari edo Espainiako hezkuntza sistemako goi mailako kirol teknikari tituluen baliokideak ez diren tituluak, diplomak edo ikasketak dituzten ikasleak, Europar Batasuneko estatu kide batean edo gai horretan aplikagarriak diren nazioarteko akordioak sinatu dituzten beste estatu batzuetan, elkarrekikotasun erregimenean, lortu edo egin dituzten ikasleak, baldin eta estatu horretan unibertsitateetara sartzeko eskatzen diren baldintza akademikoak betetzen badituzte.
7. Ekainaren 6ko 412/2014 Errege Dekretuak arautzen duen unibertsitatera sartzeko proba gainditzen duten hogeita bost urtetik gorako pertsonak (11.-15. art.).
8. Berrogei urtetik gorako pertsonak, ikasketa horretan laneko edo lanbideko esperientzia dutenak.
9. Ekainaren 6ko 412/2014 Errege Dekretuak (17.-20. art.) arautzen duen unibertsitatera sartzeko proba gainditzen duten berrogeita bost urtetik gorakoak.
10. Graduak, masterreko edo pareko unibertsitateko titulu ofiziala dutenak.
11. Unibertsitateko ikasketen aurreko antolamenduko diplomadun, arkitekto tekniko, ingeniari tekniko, lizentziadun, arkitekto edo ingeniari titulu ofiziala edo baliokidea dutenak.
12. Atzerriko edo Espainiako unibertsitate ikasketa partzialak egin dituzten ikasleak, edo atzerriko unibertsitateko ikasketak amaitu ondoren homologazioa Espainian lortu ez dutenak eta Espainiako unibertsitate batean ikasten jarraitu nahi dutenak. Kasu horretan, ezinbesteko baldintza izango da jatorrizko Unibertsitateak gutxienez 30 ECTS kreditu aitortu izana.
13. Abenduaren 9ko 8/2013 Lege Organikoa baino lehenagoko Espainiako Hezkuntza Sistemaren antolamenduaren arabera unibertsitatera sartu zitezkeen ikasleak.

Onartzeko irizpideak

Onarpen Batzordearen eskumena da tituluaren onartua izatea. Batzordearen buru dekanoa izaten da eta dekanordeei eta/edo titulazioaren arduradunei eskuordetu ahal izango die ardura. Batzordeak hautagai bakoitzaren hautagaitza baloratuko du, batez ere haren espediente akademikoa kontuan hartuta.

Batzilergotik edo baliokidetik datozen ikasleen kasuan, honako dokumentazio hau aurkeztu beharko da:

- Indarrean dagoen NANaren fotokopia.
- Kalifikazioen ziurtagiri akademikoa:
 - Batxilergoko 1. maila osokoa.
 - Batxilergoko 2. maila: eskabidea aurkeztu arte lortutako kalifikazioena.
- Hizkuntzak egiaztatzen dituzten agiriak.

Egoki ikusten denean, Onarpen Batzordeak eskumena izango du hautagaiari elkarrizketa pertsonal bat egiteko edo agiri gehiago eskatzeko eta euskara maila egiaztatzeko.

Bestelakotasun funtzionala duten ikasleak onartzea

DUk berriazko laguntza prozedurak ditu desgaitasunen bat duten ikasleentzat.

Unibertsitateak Gizarte Ekintza eta Inklusio Zerbitzua du bestelakotasun funtzionalen bat duten pertsonentzat. Zerbitzu horrek ikasleen inklusioa eta parte hartzea bultzatzen du, baita unibertsitatearen beraren irisgarritasuna ere.

Zerbitzua indibidualizatua da, eta, beraz, eskura dauden baliabideak ikasle bakoitzaren beharrezanetara egokitzen dira eta ikasle bakoitzaren premia materialei zein pertsonalei erantzuten zaie.

Era berean, unibertsitateak barneko zein kanpoko erakundeekin lan egiten du, bestelakotasun funtzionala duten ikasleen arreta hobetzeko eta gure jarduerak koordinatzeko.

Ondoren ageri den estekan, hezkuntza premia bereziak dituzten ikasleei arreta emateko protokoloei, gidei eta eskuliburuei buruzko informazioa ematen da.

https://estudiantes.deusto.es/cs/Satellite/estudiantes/es/estudiantes_ud/atencion-al-estudiante/accion-social-e-inclusion/diversidad-funcional-0/apo-yo-a-estudiantes-con-diversidad-funcional/generico?idPest=1

40 urtetik gorakoak laneko edo lanbideko esperientzia egiaztatuz sartzea

Ekainaren 6ko 412/2014 Errege Dekretuaren 3. artikuluko h idatzi-zatian eta 9. artikuluan ezarritakoaren arabera, bide horretatik sartu ahal izango dira unibertsitatara ikasketa horietan laneko edo lanbideko esperientzia duten hautagaiak, baldin eta unibertsitatara beste bide batzuetatik sartzeko gaitzen duen titulazio akademikorik ez badute eta ikasturtea hasten den urte naturalean 40 urte betetzen badituzte.

Unibertsitateak eskaintzen dituen irakaskuntza jakin batzuetan sartuko da eta, horretarako, interesdunak sartzeko eskaera egin beharko du.

Aurkeztu beharreko dokumentuak

- Horretarako ezarritako inprimakia beteta aurkeztuko da eskabidea.

- NANA, pasaportea edo adina egiaztatzen duen beste agiri ofizial baten jatorrizkoa eta fotokopia, erkatzeko.
- Unibertsitatera sartzeko titulaziorik edo ikasketarik ez duela adierazten duen zinpeko adierazpena.
- Curriculum-vitaea behar bezala agiriz hornituta.
- Lan-bizitzaren txostena.

Sartzeko eskakizunak

Hautagaiak elkarrizketa pertsonala egingo du, Deustuko Unibertsitateko (DU) Euskal Hizkuntza eta Kulturako Gradu ikasketak behar bezala ikasteko beharrezkoak diren ezagutzetan eta gaitasunetan duen maila ebaluatzeko, eta prestatzeko premia bereziak hautemateko.

Gainera, hautagaiak idatzizko proba bat egingo du, oinarrizko komunikazioko trebetasunetan duen gaitasuna erakusteko.

Aurkeztutako dokumentazioan, informazioaren eta komunikazioaren teknologien arloarekin lotutako esperientzia profesionala baloratuko da.

Onarpen batzordeak honako puntu hauek izango ditu kontuan hautagaia onartzeko edo ez onartzeko orduan:

- Aurkeztu dituen agiriak (% 60).
- Idatzizko probaren emaitzak (% 20).
- Elkarrizketa pertsonalaren emaitzak (% 20).